



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

Ecce enim ex hoc beatam me dicent omnes Generationes.

[urn:nbn:de:hbz:466:1-47773](#)

*Ecce enim ex hoc beatam me dicent omnes Gene-
rationes.*

I.

Considera, Virginem quamdiu inter mortales vixit, non minus quam alium quemvis, Viatricem, ut dicimus, fuisse seu gratiam spectemus, seu gloriam. Spectando gratiam fuit Viatrix, cum non solum primo momento conceptus sui donata non fuerit omni gratia, quam erat habitura, ut illam habent beati Cælites, sed ne quidem eam consecuta est unquam, dum carnem mortalem circumtulit. Imò auxit illam & accumulavit momentis singulis, donec illum congereret cumulum, quem omnes scimus. Neque tamen hinc consequens est, quod illa unquam minorem habuerit gratiam, quam ipsi in Cælo Beati possideant: fieri enim nonnunquam potest, ut gratia Viatoris cuiuspiam longo intervallo superet gratiam alterius finem suum in termino jam possidentis. Fuit etiam vera Viatrix, si gloriæ rationem habeamus; si enim illa per intervalla vidit sine velo pulcherrimam DEI faciem, ut Sanctorum varijs censuerunt, is tamen Intuitus stabilis non fuit & permanens, qualis Beatorum in cælo est, sed interpolatus, sic ut ipsa etiam ad finem usque peregrinationis suæ ambulaverit in fide.

Non potuit proinde dici, quod Virgo beata esset hac in vita illâ ratione, quâ beata fuit mox atque in Cælum admissa est: soli siquidem Christo, tanquam filio naturali DEI, debebatur beatitudo vel à primo momento, quæ aliis ut finis obtinendus proposita est. Omnes alij promiseri illam debuerunt ut bravium, & in hoc eadem fuit Virginis conditio,

D

conditio,

conditio, quæ ceterorum, non corpus tantum spectando, sicut Christi (quâ de causâ is Viator simul fuit & Comprehensor) sed etiam animam, quæ sursum tendit instar flammarum, quæ hic se suâ sphærâ & loco debito exulem detineri novit. Quantopere proinde tu hallucinareris, si tibi persuaderes, Beatitudinem mortali in vita consistere in eo, quod quis eximius sit à re quacunque adversa toleranda? an non audis dicentem Virginem, beatam se appellandam ab hominum generationibus inde usque ab illo momento? *Ecce enim ex hoc beatam me dicent omnes generationes.* Interim perbene novimus, quod inde ab illo momento subiecta fuerit ferendis gravissimis molestii, querendi instar exulis ac peregrinæ tectum quo recipetur, & hospitium, quin tamen illud inveniret: pariendi divinum suum Filium in caverna inter geminas male olentes bestias: videnti illum metu natum queri ad necem crudelem à sexcentis gladiis: profugiendi nocturno tempore in regionem longinquam, ibique inter plurima incommoda commorandi: tolerandit tot injurias, tot contemptus, quam multis illa se pessimè habitam vidit ab ingratu suo Populo, uti & Filium, quem prosequebatur amore majori longè quam se metipsam; ferendi denique in animo omnes illos cruciatus tam acerbos, quos Filius pertulit in corpore, dum ad extremum usque mansit immota in immani illo supplicio, quod coëgit solem, ut in mediâ diurni sui cursus orbitâ vulnus suum densis tenebris obvelaret.

O quantopere igitur falletis, si inducis in animum, beatam illum esse, quem nihil cruciat! hæc futuræ vitæ beatitudo est, fateor, sed non est hujus, quam vivimus. Quin imò hujus vitæ beatitudo est tolerare quamplurimum Dei amore. Cùm enim, ut constat, geminæ sint homines Christiani

stiani beatitudines, una *in re*, quæ est Comprehensorum; altera *in spe*, quæ est Viatorum, tanto horum quisque beatior censendus est, quo plura illum adversa premunt (*siquid patimini propter justitiam, Beati*) sic enim majori fundamento, majori securitate sperare potest beatitudinem propriam Beatorum. *Beatur vir qui suffert temptationem, quoniam, cum probatus fuerit, accipiet coronam vite.*

II.

Considera, quid igitur esse debuerit, quod Virgini tribueret titulum Beatæ apud omnes generationes? Fuit gemina illa sors, de qua locuti sumus meditatione antecedente: illa nimis quâ electa est ad dignitatem Matris DEI; & altera, quâ tali electioni ad amissim respondit. Prima enim vero fuit sors sublimis & excelsa: secunda tamen profectò illâ minor non fuit: si enim prima, gratia fuit, altera & gratia & meritum fuit. Sanè Virgo dignitatem Matris DEI promerita non est ut debitam ulli suo operi: ista enim, etsi merito aliquo obtineri posset (posito saltem Incarnationis Christi decreto) non tamen erat à DEO proposita ut præmium à quacunque creatura promerendum. Non minus tamen certum est, Virginem talis dignitati ad amissim respondisse. Si nōsse velis, quâ in re situm sit hoc respondere, en illud paucis. Consistebat in eo, ut se pararet ad dignitatem Matris DEI priusquam eam acciperet; & ut se gereret sicut decebat Matrem DEI, postquam eam accepit.

Ad primum quod pertinet, pronuntiavit de illa S. Ambrosius, quod *digna fuit, ex qua Filius DEI nasceretur. L. 2. de* Nec dissimile aliorum Sanctorum Doctorum idioma fuit. Virg. Hoc autem quomodo tandem verè ab illis dici potuisset,

D 2

si in

si in ipsa defuisset præparatio tantæ soboli debita? Non ne-
scio, præventam à DEO Virginem gratiâ respondentem:
neque enim, ut aurum terra parturiat, satis est ut illam
Sol non aliter radiis suis pervadat, quācūm lilia flores-
que alios parere debet. Gratia tamen ista futuræ digni-
tati respondens otiosa à Virgine relicta non est; sed potius
cum illa inde à primo conceptus sui momento sic est nego-
tiata, ut quando subinde adfuit tempus excipiendi sinu suo
Verbum æternum, hoc Verbum ægrè visum sit quodam-
modo ferre moram in obtinendo illo consensu, quem hoc
in negotio ab ea signis non dubiis expressum voluit: & mox
atque illum obtinuit, sine mora cōsecutulit, ut quiesce-
ret non solum qualicunque, sed suavi valde cūm oblecta-
tione. *Dilectus meus descendit in hortum suum.* Hinc sa-
cris Doctoribus visum est, illis verbis *Ecce Ancilla Domini:*
fiat mihi secundum verbum tuum eliciisse Virginem æctum

Cant. 6.

Fidei tam stupendum, attentis objecto tam sublimi quod
*credidit, firmitate quā credidit, & obstaculis quæ supera-
vit ut crederet, ut tunc posuerit ultimam dispositionem ad*

*introducendam formam tam nobilem, qualis fuit, effice-
re filium suum naturalem illum, qui ad eam usque diem so-*

Serm. 13. lius DEI filius fuerat. Singulari fide subnixa DEI Filium,

de Nat. Filium suum fecit. Sic locutus est S. Augustinus.

Dom.

Quod autem spectat ad gerendum se sicut decebat
Matrem DEI, postquam jam eam dignationem accepit (qui
erat alter fons Beatitudinis suæ prædicandæ) hoc sufficiat,
quod ipsa, iis quæ Filij sui causâ præstítit obsequiis, meri-
ta sit nomen *Socia Redemptionis.* Dixi *Socia:* jam enim sci-
mus, illam ad Mundi Redemptionem nulla re mediante
non potuisse operam conferre, cūm eam ad rem opus sit
Sorte principali nimium quantum abundante, omnis sei-
licet

licet mensuræ experte, planèque infinita: operam tamen suam contulit alio mediante, dum ut Mater consensit in rem tam arduam, Filij inquam mortem in Cruce subeundam. Constat apertè, noluisse DEI Verbum humana sc̄ carne vestire, quin illa consentiret, ut jam antè innuimus; quanto igitur verosimilius est, quod etiam absque simili consensu & annutu materno noluerit eandem exponere morti ferali in ligno geminos inter latrones subeundæ? Hinc amatissimam suam Birgitam his ipsis verbis affari potuit: *Ego & Filius meus redemimus Mundum quasi uno corde.* Lib. 8. Non aliâ illa de causâ, tanta fide, tantâ constantiâ hæsit c. 35. ad Crucis pedem, quām ut planè perfecteque absolveret oblationem, quā tam caram prolem pro totius Mundi salute sacrificârat.

Beata igitur procul dubio fuit Virgo ob dignitatem tam sublimem Matris DEI, ad quam est elevata: sed non minus beata ob studium exactissimum, quo eidem respondebit. Prioris Beatitudinis principium fuit voluntas electiva, quā Magnus ille Pater eam ad tantam celsitudinem destinavit; alterius voluntas, quam diximus, executiva. Atque ita pulcherrimè inter se consentiunt causæ, quibus sub idem tempus Virginis Beatitudo adscribitur. Dum enim eandem Virgo ipsamet adscripsit obtutui, quo illam respexit DEUS adhuc omnis boni inanem. *Magnificat anima mea Dominum, quia respexit humilitatem ancillæ sue:* ecce enim ex hoc beatam me dicent omnes generationes. Elisabeth Cognata eandem adscripsit præstantissimæ fidei, quā Angeli dictis credidit: *Beata quæ credidisti, quoniam perficiuntur ea, quæ tibi sunt dicta à Domino.* Elisabeth explicuit causam tantæ Beatitudinis secundariam, Virgo autem ipsa primariam. Tu autem hinc ad profectum tuum

D 3

collige,

collige, causam hanc utramque sic esse colligatam, ut neutra stare possit absque altera. Quare quām necessarium est, ut eligat te DEUS ad præstandum aliquid proferendæ suæ gloriæ, tam necessarium est, te subinde ejusmodi electiōni respondere.

III.

Considera, sacros Interpretes communi sensu tradere, eluxisse his ē verbis egregium Prophetiæ donum, quo Virginis spiritus afflatus fuit: hoc enim illa percurrente sanguinatim futura secula omnia pronuntiavit, se in iis omnino omnibus Beatam prædicandam: *Ecce enim ex hoc Beatam me dicent omnes generationes.* An videre cupis, quomodo vaticinio eventus responderit? observa quōd quando dici audis, *Beata Virgo*, non potes ambigere an sermo sit de Beata Agneta, de Beata Cæcilia, de Beata Agatha, Beata Catharina aut Apollonia, et si omnes istæ etiam Virgines sint. Certus es, quōd de sola Virgine Maria sermo sit: usque adeò nomenclatura tam præclara absolute data non alterius esse existimatur. *Beatam me dicent.*

Cœpit hæc appellatio viventi etiamnum tribui: *Beatus venter, qui te portavit:* sic ut passibus planè iisdem, quibus Christiana Fides per Orbem propagata est, iisdem etiam summa Matris DEI Beatitudo sit propagata. Si jam olim beati æstimabantur illi Christi asseclæ, quibus inde à principio nascentis Ecclesiæ illam coram intueri concessum fuit, quem ad finem (ut de S. Dionysio sacri Annales tradunt) itinera permolesta aggrediebantur, ut Nazarenum pervenirent, ubi illa paupere in domicilio morabatur, quanto putamus magis Beata illa existimanda fuit, ad quam tende.

tendebant? Secutis autem æstatibus ad illam Beatam prædicandam admirabili consensu Gentes ac Nationes planè omnes sua studia contulerunt. Èâ de causâ si plures aliae Virgines in Ecclesia Beatæ sunt, ipsæ quoque Beatæ quidem existimantur, sed non omnes eodem modo ab omnibus Beatæ dicuntur. Hæc apud istius, altera apud alterius Nationis Christianos magis Beata prædicatur. Nulla est, quæ non à equali ratione Virginem Matrem Beatam dicat. Proficisci quocunque vis locoruñ: non poteris pronuntiare, quænam Natio ceteris in prædicanda Virgine primas præripiat. Singulæ se magis illius honori addictas devotæque profitentur: sic ut dum *Virgo dixit Beatam me dicent omnes generationes*, videatur dicere voluisse, certatim dicent.

Et quod hac in re magis mirandum est, videre licet, hoc ejus colendæ & celebrandæque studium ac fervorem, ne post tot quidem seculorum lapsum imminui atque tepe-scere; sed augerti potius intendique. Unde quamquam in aliis exhortationibus sacræ pietatis videri possit Orbis Christianus potius deficere, quam proficere, in Virgine tamen colenda semper proficit. Et quâ id aliâ causâ, nisi ut hoc ejus Vaticinium effectum sortiatur? & quis jam ambigat, dum ita vaticinata Virgo est, quin jam tum prospexerit, quidquid deinceps Ecclesia eo in genere esset factura? Non est dubium, quin Sacri Vates perfectè id intellexerint, quod præsigiebant, quia id ipsis beati Genij aperuerant, quibus DEU's ministris utebatur ad mentes eorum collustrandas, quæ est Angelici doctrina. Quanto magis igitur id etiam Virgo perspexerit, quam non Angelus aliquis, sed ille qui ipsis illustrat Angelos, Verbum inquam ipsum divinum ejus clausum utero futuros eos eventus edocuerat? An autem

tem inter, qui ardore tanto in colenda Virgine certatur erant, eamque celebraturi, te quoque providit? si providit, gaude, meritò enim id fakturus es. Tu Beatam dices Virginem, & ipsa vicissim te faciet. Noli metuere, ne unquam se à quoquam illa officiis vinci patiatur. *Qui eludidant me, vitam aeternam habebunt.*

**Eccles. 24.
v. 3.**

*Quia fecit mihi magna qui potens est, & Sanctum
Nomen ejus.*

I.

Considera, res illas quæ magnitudine sua multùm superant humanam intelligendi vim, difficulter admodum speciatim explicari posse; & idcirco explicari melius generatim; sicut videmus factum ab Apostolo, ubi dixit, se dum in cælum raptus est, audivisse inibi *arcana verba, quæ non licet homini loqui.* Ne igitur mireris, quod cum Virgo h̄ic meminisse vellet beneficiorum quæ à DEO acceperat, ne unum quidem eorum speciatim expresserit, sed dixerit tantum: *Fecit mihi magna qui potens est.* An autem fortassis ita dicendo parum dixit? Negari non potest, quin quæ facit DEUS, respectu ipsius semper parva sint. Et tamen en rem admirandam! Ille Virgini *Fecit magna.* Quid ergo dicere ipsa plus potuit, ut collata in se à DEO beneficia exaltaret? Si advertis animum, observabis DEUM in donorum suorum distributione posse esse et ga res à se conditas Justum, Munificum, & Magnificum. Justus est respectu rerum naturalium, quia cunctis à se conditis dotes naturæ ipsarum proportione sua respondentes, sic Soli lucem, Aeri refrigerandi, Aquæ abstergendi, Terræ germainandi vim, tribuit. Munificus est in ordine Gra-

tix,